



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

Lippeloo, Zacharias

Coloniae Agrippinæ, 1603

Martyrivm SS. Sabini Episcopi Exuperantij & Marcelli Diaconorum, &c. Ex
ijs quæ extant in Martyrolog. Venerabilis Bedæ, & Archiepiscopi Adonis.

urn:nbn:de:hbz:466:1-42787

humo; nudis, ut venerat, pedibus; atque ieiunio
toram illam in precibus exegit noctem; præ-
clarum atque admirandum cunctis Principibus
& Regibus se præbens exemplum; quale in hi-
storijis non faciliè reperire liceat.

Eodem autem illo die, quo Rex pro suis in
martyrem peccatis satisfacturus, Cantuariam
venit: Comes Flandriæ, qui cum immenso ex-
ercitu in Angliam trajcere statuerat, mutata
illicò sententia, recessit. Altero verò die Sco-
tiæ Rex, Angliam vastaturus, in acie compre-
hensus est: & breui omnes conticuere hostes.
Neque dubium sanè, quin Thomæ potissimum
precibus meritisq; optata regno redierit tran-
quillitas: Præstante Domino nostro Iesu Chri-
sto, qui cum Patre & Spiritu sancto vivit & re-
gnat in secula seculorum: Amen.

*Coronati sūt
teste C. Baro.
Tom. 2. An-
nal. anno
Christi 1301.
Marcel. Pa-
pe 5. Diocle.
& Maxim.
Imp. 13.
30. Decē.*

*Comprehen-
ditur à Venu-
stiano Præsi-
de.
Sabinus con-
fringit Iouis
simulachrū.*

**MARTYRIVM SS. SABINI EPISCO-
pi, Exuperantiij & Marcelli Diaconorum, &c.
Ex ijs quæ extant in Martyrolog. Venerabilis
Beda, & Archiepiscopi Adonis.**

BEATVS Sabinus Spoletinus antistes cū
diuinis eloquijs egregiè instructus, præ-
stanti sua facundia Christianam rem mi-
rificè locupletaret, Venustianus Tuscæ Præ-
ses de cultu deorum suorum sollicitus, cū duo-
bus diaconibus Exuperantio & Marcello, &
multis clericis, eum comprehendit: & domum
suā perductos ad thura Iouis simulachro, quod
mira superstitione colebat, offerenda compelle-
re nitēbatur. At Sabinus hominis errorem mi-
seratus, fusa ad Deum oratione, simulachrum
mani-

manibus suis pavimento allisit, confregitque. *Truncatur*
 Quo factō, Venustianus tāto furore excāduit, *manibus.*
 vt antistiti manus confestim præcidi iuberet.
 Neque ea crudelitate contentus, Marcellum *SS. Marcell^o*
 & Exuperantium in eculo suspensos fustibus *& Exuperā-*
 macerari, latera eorum vnguibus radi, & igne *tia reddunt*
 supposito tamdiu cruciari mandauit: donec in *spiritū, post*
 Christi confessione spiritum redderent. Quo *immensa*
 rum corpora in fluium præcipitata sunt: Sa- *tormenta.*
 binus verò Episcopus foedo carceri mancipa-
 tus est.

Erat eo tempore Serena quædā, insigni pie- *Serena vti-*
 tate & religioe vidua, quæ Sabini antistitis cu- *na curam*
 ram suscepit: eumq; & pait; & omni, qua po- *gerit S. Sai i-*
 tuit, humanitate fouit. Erat ei nepos Priscia- *ni.*
 nus nomine, oculorū lumine miserè orbatu:
 cuius oculis Sabinus truncas imponens manus *Sabinus ce-*
 mira facilitate lumen reformauit. Quo mira *cum sanat.*
 culo vndecim viri, qui eodem carcere vincti
 tenebantur, pedibus illius ilicò prostrati, sa-
 lutare regenerationis lauacrum, impio deorū
 cultu abiurato, postularūt. Abluit eos sanctus *Baptizat v-*
 martyr; expiatosque in Christi confessione e- *ros vnde-*
 gregiè confirmauit. *cim.*

Eodem tempore Venustianus tanto tamque
 vehementi oculorum dolore laborabat, vt ne-
 que cibum, neque potum, neq; somnum capere
 posset. Doloris itaq; victus magnitudine, per
 vxorem & duos filios Sabinum è carcere domū
 suam adduci curauit. Veniētem venerabundus
 excepit: eiulque pedibus cum fletu prostratus,
 & sibi, & vxori, & filijs, baptismū supplex im- *Venustianus*
 pertiri petijt. Ea re gausus vehementer Sabi- *credas cum*
 nus, catechesi eos exactè instruxit; & tūc *familias*

H h h

f. te

fonte ritè expiauit: quo tempore omnis oculorum dolor repentè celsit.

Fuère hæc continuò Maximiano nunciata; qui pro sua in Christianos rabie Sabinum damnari, & Venustianum capite truncari iussit. Lucius tribunus crudelitatis executor, Venustianum cum vxore & filijs in ciuitate * Assisinate capite plectit. Sanctum verò Sabinu Spoleti plumbatis tamdiu cædi præcepit: donec in Christi confessione spiritum exhalaret. Cuius corpus Serena, quæ iam sacras eius manus in vitrea pixide cum aromatibus condiderat, vno plus minus, à ciuitate Spoletana, milliaro, honorificè sepeliuit.

VITA S. SYLVESTRI PONTIFICIS

Romani præstantissimi: Ex ijs quæ extant apud C. Baronium. Obijt anno à Christi Incarnatione 335. Constantini Imperatoris 30. cum sedisset annos 21. menses 10. & diem vnum.

Tom. 3. Annual. C. Baron & in Notat. ad Martyrol. Rom.

31. Decèb. Patria & parètes eius. * al. Iusta.

* al. Caritià S. Syluester à Curione presbytero institutum.

DIVINVS planè vir & magnum Orthodoxæ Ecclesiæ ornamentu Syluester, Romæ patre Ruffino, matre verò * Iustina ingenuis omniq; honestate ac probitate conspicuis parentibus natus est. Præstanti indole puer, à teneris sanctiora vitæ instituta summo studio & diligentia sectatus legitur. Iuuenis adhuc, * Curionem quendam eximia fide & eruditione presbyteru secutus est: à quo Christianæ fidei edoctus mysteria & sanctissimis disciplinis ritè imbutus, ac succedente tempore à Marcellino Papa presbyter ordinatus, eos præcipuo ac singulari quodam amore & honore profecutus est, quos expiandis mortalium